

في منتصف الطريق (فما وَهَنُوا) | د. أحمد عبد المنعم

أحمد عبد المنعم

بسم الله والصلوة والسلام على رسول الله صلى الله عليه وسلم، باذن الله عز وجل درس النهاردة آآ يعني انا شايف ان هو مهم آآ بسبب ظروف كتير بنمر فيها - 00:00:00

سواء ضغوطات آآ اقتصادية ضغوطات امنية ضغوطات في الدراسة رزق الشغل كل واحد فينا بيمر بظروف مختلفة طبعاً احنا قلنا كذا مرة قبل ما اكمل ان الدرس ده بيوجه آآ السالك في الطريق الى الله سبحانه وتعالى. او بتعبير المعاصر اللي هو ملتزم يعني - 00:00:12

عشان ممكن لو حد سمع الدرس بيقى فاهم الدرس ده بيخاطب مين. الدرس ده موجه للانسان وخصوصاً درس النهاردة تحديداً اللي قطع شوط قبل كده بفضل الله في الالتزام. حافظ على الصلاة حافظ على قراءة القرآن حفظ القرآن. كان عنده فترة من الفترات في حالة من آآ الحماس للدين. سواء - 00:00:31

الحماس ده نتيجة مسلاً نوع نفسه يعمل حاجة لنصرة هذا الدين. للامة آآ مفاهيم معينة ومصطلحات معينة ا تعرض لها خلته بيقى سخن في وقت من الاوقات. آآ ده الدرس ده - 00:00:51

موجه لدول. ليه الدرس مهم؟ لأن زي ما قلت لكم نتائج زروف معينة وضغوطات كتير متتالية وآآ انا شايف ان اخطر الظروف اللي بنمر بها هي قلة بيئة الایمان. او يعني يعني شبه انعدام ان ما عدش فيه بيئة ايمانية الانسان ممكن ينغمس فيها. تجدد له - 00:01:01

معاني الایمان في قلبه. النبي صلى الله عليه وسلم بيقول ان الایمان ليخلق في جوف احدكم. يعني الایمان بيضعف بيصيبه الایمان بيفتف بيقطع داخل الانسان. فإذا الانسان دائمًا وأبداً مهما كان سواء كان عالم سواء طالب علم سواء داعية إلى الله مهما كان هذا الانسان هو في حاجة - 00:01:23

وابداً إلى تجديد معاني الایمان بداخله. الاشكال اللي انا عايز اتكلم عنه النهاردة يعني احنا ممكن لسه هنشوف عنوان يعني للدرس كالعادة ومش عارفين ايه عنوان الدرس بس هو الفكرة المحورية اللي بيصبوها فيها ممكن نسميها في منتصف طريق الالتزام. كم انسان في طريقه الالتزام؟ البداية احياناً تكون صعبة - 00:01:43

يواجهوا صعوبات معينة يعني لو احنا مسلاً خلينا نبدأ الدرس قصة شخص كان عايش حياة عادلة او بتعبير الناس عادلة هي طبعاً المفروض ان هي مش عادلة هي فيها حاجات كتير حرام لكن هو للأسف - 00:02:03

وأصبح مصطلح عادي آآ ناس بتنستعمله ان هو مش يعني ايه عكس الحرام. عكس الدين. يعني يقول لك ايه؟ هي عمل فرح اسلامي ولا عادي بنك اسلامي ولا عادي؟ مع ان عادي دي المفروض ان هو بيقى حاجة حرام - 00:02:15

الشاهد يعني احنا بستحمل بيستعمل مصطلح عادي زي ما الناس بتنستعمله يعني. انه كان عايش حياة عادلة جداً بيقع في اختلط في حرام في الجامعة بيمارس حياته عادي. بيسمع اغاني بيمارس كل الحاجات ممكن يعني يعني والعياذ بالله ينخرط في الحرام اكثر من كده. وبعددين تعرض لصدمة معينة - 00:02:31

موت حد من اصدقائي سواء سمع درس سواء ايا كان الصدمة اللي خلاته بيبدأ يفوق ويفكرا انا موجود ليه في الحياة؟ طب صاحبي اللي مات تحت القبر دلوقتي في تحت الارض في القبر ده يسأل طب حاله ايه؟ طب يا ترى ايه اللي يحصل له؟ طب يا ترى الكلام اللي كنا بنسمعه ده طلع صح؟ يعني ايه افرض طلع صح ان فيه فعلاً عذاب - 00:02:51

بدأ يتعرض لسؤاله معينة موجودة في فترة اي انسان مننا بيتعرض لها عند الصدمات وبدأ زي ما قلنا ايا كانت الصدمة دي خلته ينتقل الى ان هو يفكر ان هو يسلك في الطريق الى الله سبحانه وتعالى. طبعا برضه الانسان ما بيتنقلش فجأة يعني ما حدش بيتنقل للالتزام فجأة. هو - 00:03:11

ممكن يتعرض لخطبات كتير. مش ما حدش برضو عشان يبقى الكلام اكثر انباطا. ممكن ناس تتنقل فجأة في وده قلة زي الصحرا سحرة فرعون. شافوا اية قوية جدا فخدوا القرار. انهم قالوا امنا برب هارون وموسى - 00:03:29

لكن اقصد ان غالبا احنا بنمر بخطبات كتير. لذلك احيانا ما تستعجلش على التزام حد. يعني لما مسلا حد اللي واحد صاحبه يموت وما يلتزمش. مش معناه انه ما اتأسرش - 00:03:43

هو اتأثر ودرس يتأثر فيه وكلمة تأثر فيه و موقف يأسر فيه جدار الغفلة مش لازم يتكسر من اول خطبة برضو لما نيجي نشتغل في الدعوة وواحد يتعرض لصدمة قوية ما تقولش ايه ده! ازاي يتعرض لصدمة القوية دي وما التزمش بعدها؟ لا هو اتأسر - 00:03:53

ممكن يكون نص جدار الغفلة اتكسر بس تحتاج طرقات متالية على ايه؟ على هذا الجدار. ممكن واحد ينزل يكلم شباب آزي مصطلح التبليغ ينزل جولة في الشارع. فواحد يا ايه بيتأثر بكلامه ويلتزم - 00:04:09

يقول لك ايه ده هو اتأسر بجولة. لا هو ممكن يكون خطبات كتير مرت عليه. وانت كنت وفقت تبقى انت الخطبة الاخيرة اللي ايه؟ اللي بفضل الله يلتزم سوا. المهم الشخص ده - 00:04:21

قرر انه يلتزم اكتشف انه مضيع للصلة بدأ يدخل في طريق الالتزام آآ هنا نقطة مهمة جدا ان كتير من الطرق الى الله لا تتطرق ولا تتبعين للانسان الا بعد ان يسلك فيها. يعني ايه الكلام ده؟ يعني مسلا واحد ييجي يسألوك هو اللي كلمة التزام يعني واللي - 00:04:31

الالتزام وديننا بيعملوا ايه يعني؟ بتقول له يا اه بيعملوا حاجات كتير بيقول لك ايوة يعني ايه يعني! طب ما انا صليت الخمس فروض اهو الحمد لله وبيوس ايده وشه وظهر. ايه تاني في الدين عندكم يعني - 00:04:48

يعني ايه اللي يعني يقول لك واحد ايه بيدي وقت للدين ومش قادر يجمع بين الدين والدنيا هو ايه يعني اللي في الدين يعني للدرجة دي يشغل الانسان هو عمره ما هيفهم ولا يكتشف - 00:05:00

يمشي يبدأ يجرب يحفظ قرآن يفاجأ ان في حاجة اسمها تجويد. يبدأ يدرس تجويد يفاجأ ان في حاجة اسمها فقه احكام معينة. الفقه ده ابواب وفروع يبدأ يفهم ان في حاجة اسمها عقيدة. يبدأ - 00:05:10

يكتشف ان لسانه اصلا فيه عشبة بيعتاج يتعلم اللغة. يبدأ يكتشف ان هو عليه واجب في الدعوة الى الله. والامر بالمعروف والنهي عن المنكر. يبدأ يكتشف فروع الدين لما يسلك فيها. لكن هو مش - 00:05:21

تصور ايه هي تفاصيل الدين وهو قاعد برة. ومهما حاولت تشرح له هو الحل ان انت تمسك بيده وتسير في الطريق. هو يكتشف هزايا الطريق بنفسه. وكلنا غالبا حصل اغلبنا حصل معه كده. لو كان حد قال له انت مطالب انك تعمل كذا وكذا وكذا في الدين ممكن يخاف. يقول لك لا انا مش هقدر اعمل - 00:05:31

لكن الانسان بيمشي في الطريق خطوة بخطوة في الطريق الى الله سبحانه وتعالى. المهم صاحبنا ده او ده واحد مننا آآ انا نفسي كان من الاسباب اللي اثرت في آآ احد آآ يعني - 00:05:51

اقرب الناس لي واحد اصدقائي توفي فجأة. ودي كانت صدمة لنا كلنا في الجامعة برضو ما التزمتش بعدها على طول وآآ حصل خطبات تركاته تاني لغاية لما الواحد ربنا من عليه التزام. وبدأ يكتشف زي ما بقول لكم كده آآ ان فروع الدين كتير وفي - 00:06:04

حاجات كتير في الدين انت ممكن تستغرب ازاي شاب وصل لغاية سن مسلا اربعة وعشرين سنة وما كانش يعرف يعني ايه تجويد وما كانش يعرف اصلا اسماء سور القرآن وما كانش يعرف تفاصيل العبادة. بل كتير من سنن الصلاة ما كانش عارفها. بل كتير من احكام الدين ما كانش عارفها. بل تكتشف ان ناس كتير جدا في الجامعة - 00:06:20

وانا اعني كلمة جدا دي انه يسألوك احكام القصر وهو مش عارف اصلا يقصر الصلاة امتى ولا امتى كذا ولا التيمم مع ان ده انا مش بكلمه دلوقتي في احكام المعاملات المالية المعاصرة مسلا. انا مش بكلمه في فرع من فروع الفقه الصعب. اللي هو اه ممكن ما

يتعرض له. ده انا باكلمك على حاجات هو - 00:06:38

يجب عليه شرعا ان هو يتعلمها. يعني هو بيسافر فين يعني عليه انه يتعلم احكام السفر والصلة في السفر فالله يعني كلنا حصل معنا كده اغلبنا وانتقلنا الى دائرة ان احنا نكتشف هذه الحياة الجميلة من الدين. الحياة اللي مليانة فيها عمل خير فيها دعوة الى الله - 00:06:56

يا الله عفوا يا منكر فيها طلب علم فيها دعوة الى الله. بتكتشف ده كان في الاول كل ما بينكشف لنا شيء جديد كنا بيقى في قمة السعادة افتكر اول مرة نزلت تصلي فيها الفجر في المسجد. افتكر اول مرة صليت فيها قيام ليل وخاصة لو قيام ليل طويل. اول مرة صليت فيها التراويح. اول مرة حضرت دعاء ليلة سبعة وعشرين وعيطت. اول - 00:07:13

مرة عملت عمرة لما بتتفتكر المعاني دي بتتفتكر بتتفتكر حالة من النشوة الایمانية كده وحالة من اللذة الایمانية تتنمى ان هي ترجع اغلبنا مروا بکده اول مرة كان بيروح لاسرة فقيرة ويديها آآ طعام او يديها مبلغ من المال او يجمع هو ويتعجب - 00:07:31

العبادات لها لذة ولها طعم. فاغلبنا في الاول حس باللذة دي وخاصة لما انتقل من حالة المعصية لحالة قدر المستطاع انه يتلزم بالطاعة. كلبني ادم خطاء مش معنى انه اصلاح متلزم وما بيفلطاش - 00:07:48

ده مفهوم خاطئ لأبيفلط وبيقع في اخطاء. بدأ يسمع دروس وبدأ يكتشف طرق الجميلة اللي في الدين والذين جاهدوا فينا لنهدئنهم سبلنا سبل كتير يرضوا بها ربنا بدأ يسمع دروس يسمع الشیخ الفلانی ويسمع شیخ تانی ويسمع درس علم ودرس عز ودرس عقيدة ويروح يحضر الدرس ويشتري كتاب واول مرة اشتري كتاب وقف على نفسه وقعد يقرأ الكتاب - 00:08:01

وارج طبعا ربنا وقعد يبكي وقرأ عن اسماء الله الحسنى وقرأ عن الجنة وقرأ عن النار. كون معاني جميلة جدا جواه في الطريق الى الله سبحانه وتعالى ثم ماذا بقى؟ ثم بدأت هذه المعاني تخفت - 00:08:25

ليه بقى؟ لأن ربنا سبحانه وتعالى الكائنات دايما في حالة حركة مستمرة وحالة نمو وانت برضو في حالة نمو بتتحاج الى الزاد. الطفل اول ما بيولد بيحتاج زاد معين. كل ما بيكبر ما عدش يصلح له نفس الزات اللي كان بيأخذ الطفل في اول عمره - 00:08:39

يعني ما ينفعش الطفل اللي كان يحتاج شوية لبن هو صغير. بعد ما كبر لو اديت شوية لبن مش كفاية. يحتاج بنقول يحتاج هنا غذاء معقد وهو صغير يحتاج غزال بنسميه غذائي البسيط - 00:08:58

ما فيش فيه تنويعات فيه الاساسيات فقط. فكذلك انت في بداية الطريق الى الله بتتحاج غذاء بسيط. مش معقد ما فيش فيه كلام كتير. مش آآ مش بيحتوي على تفاصيل - 00:09:11

اللي هي الكربوهيدرات والنشويات ومش بيحتوي على الحاجات دي والدهون والبروتينات مش لازم يحتوي على كل ده بيقى غذاء بسيط بيحتوي على اساسيات معينة وخلاص وبتبقى بسيطة فكده لك انت في الاول كان بعض ايات بتتأسر فيك احاديس النبي صلى الله عليه وسلم صلاة الفجر في جماعة كانت بالنسبة لك ده حاجة رائعة جدا وكفاية جدا ان هي تديك دفعة يمنية ده - 00:09:21

تسمعوا كل فترة بعد فترة بدأت العزيمة تخفت وخاصة ان من اول الطريق انت ما كنتش شايف تفاصيل الطريق. كتش تعرف ان الطريق ده فيه ابتلاءات ما كنتش تعرف حق العقبات اللي هتقابلك. ما كنتش تعرف ده. ما كنتش تعرف ان في بعض الامنيات انت هتتخلى عنها. وان بعض الطموحات بتاعتكم - 00:09:42

هيحصل تعارض بينها وبين مراد ربنا سبحانه وتعالى. المهم انا او انت او اي واحد فينا قرر يكمل وداش في الطريق بعد سنة سنتين يحصل له نمو ايماني يحضر دروس يسمع دروس آآ علمية وعظية ايا كان بدأ يتفقه اكتر في الدين - 00:10:07

اغلبنا انا بتتكلم على الغالب حصل له فكرة الانتقال من دائرة المعصية لدائرة الالتزام في منطقة الجامعة يعني في ايه سن الجامعة في بداية الجامعة في منتصف الجامعة. يعني دي اكتر مرحلة احصائية يعني بيحصل فيها الالتزام. نادرا - 00:10:24

يعني قليل ان الناس تلتزم في سن مسلا حاجة وتلاتين لأن ده السن الانشغال بالأسباب الجامعة فيه فراغ آآ موت الشباب الفجأة فيه بيبقى مؤثر. الفراغ ده ممكن يملأ بالدين - 00:10:41

فده سن سانوي يبقى فيه نفرة شوية رافض ان هو يقرب وعايز يقول لك لأ دي مرحلة المراهقة دي بيبقى رافض ان اي حد يكلمه متصور ان في حد هيسيطر عليه لأنها مش عايز حد يسيطر عليها. في السن ده دايما فيه نفرة حتى دايما عنده مشاكل مع اهله وعنده مشاكل آآ يعني السن ده عارف منظر لما تيجي تحط - 00:10:54

كانك عايز تهزز معه وتحط ايدك على كتفه يقول لك نزل ايدك ما حدش يحط ايدي على كتفي. يعني هو ايه السن ده دايما صعب انك انت توجه له توجيه اي - 00:11:14

اي رؤية توقيعك كبير وصعب انه يقبلك. لكن في ناس بفضل الله التزمت في سنة. فيحصل ان غالباً اولى جامعة تانية تالثة جامعة التزم المعاني دي بدأ مع الوضع طبعاً العالمي ان الاسلام فيه يحارب في كل مكان بدأ يشيل حاجة اسمها هم الدين. بدأ ان هم الدين آآ - 00:11:24

ده ضمن المكونات اللي بيتعذر فيها مش بس معرفة الله والدار الآخرة في بداية الالتزام دخل عن طريق معرفة الله والدار الآخرة فقط. بدأ هم الدين بدأ يعرف فلسطين المسجد الاقصى تاريخ - 00:11:44

خطط اليهود صهيونية بدأ يعرف ان في حاجة يسمع بس كده ان في حاجة اسمها العلمانية. ده حكم شرع الله. وليه شرع الله مش مطبق؟ بدأ يستغرب بدأ يقرأ حاجات في القرآن وفي السنة مش موجودة في الواقع. طب ليه مش موجودة في الواقع - 00:11:54 بدأ يتفرج على برامج مشهورة بتهمد في السنة. طب ليه؟ طب ومين اللي هينصر هزا الدين؟ ده لو واحد فترته سليمة. ليه انا دلوقتي انتقمت الى هزا الدين؟ انا بحب - 00:12:07

النبي صلى الله عليه وسلم ليه سنته بتحارب؟ لمجرد بس ان انا عشان التحي اطبق سنة من سنن النبي صلى الله عليه وسلم يحصل كل الضجة دي في ايه؟ ليه - 00:12:17

طب وليه ومين اللي هيثبت خصوصاً سن برضو شباب الجامعة عنده الغيرة انه ما يسمحش ان حد يخلية يغير افكاره. لأن ويقى عنده حالة من العند وتبقى مفيدة في الاول. لا ما حدش هيقول لي غير افكارك - 00:12:26

فيبدأ يسمع بقى عن بورما يسمع عن حاجات ليه المسلمين كده فيبدأ يشيل هم الدين وبدأ يسأل تساؤلات ازاى ينصر الدين يتقال له ايه وجهة من الوجه سواء بالعلم او - 00:12:40

ذلك يجتهد. المهم ايه في الفترة دي بيسخن جداً جداً نيجي بقى على مرحلة التخرج اخر سنة ويبداً بقى ايه مع الزروف الاقتصادية طبعاً وتعويم الجنيه. سواء بقى التخرج او كده - 00:12:50

وعايز يتجوز شاب بقى في الجامعة. طب يجي يعني عايز يتجوز يعني اكيد يعني. مش فاهم لسه الجواز هو يعني قالوا له ان الجواز حلوا فيفاجأ بقى ايه؟ يسمع لاول مرة في حياتي عن سعر جرام الذهب - 00:13:04

يسمع عن الشقق يسمع عن الايجار هيبدأ يجي له صدمة تخلية آآ موضوع فلسطين وبورما ده يبدأ يرکنه على جنب شوية. اه مش بيت رجل يعني يبدأ يفكرون بعقلية تانية تماماً ايه ده هو انا كنت مش واحد بالي ولا ايه احنا اتضحك علينا ولا ايه ويبداً يفكر - 00:13:20

ان الواقع آآ اكبر مما كان متخيله وانه يحتاج غذاء اقوى عشان يستمر بنفس الحماسة ربنا سبحانه وتعالى قال وصف اه من اوصاف الصحابة اه الوصف ده اه هي كلمة بسيطة عشان نطبقها في حياتنا صعبة جداً. قال الله - 00:13:43

سبحانه وتعالى سورة الاحزاب ربنا جاب لنا موطن آآ الكل مجتمع عشان يهدم الدين حتى السورة اسمها الاحزاب من المؤمنين رجال صدقوا ما عاهدوا الله عليه. هم في الاول قدموا عهد. يا رب احنا حياتنا لك وهننصر دينك يا رب. وهنموت في الطريق ده. منهم - 00:14:01

اي مات على هذا العهد ولم يبدل ولم يغير. منه من قضى نحبه ومنهم من ينتظر بصيغة المضارع. يعني ايه ينتظر؟ اي ينتظر ان يقضى نحبه على هذا الطريق ولم يغير ولم يبد - 00:14:19

منهم من قضى نحبه ومنهم من ينتظر وايه؟ وما بدلوا تبديلا. تبديلا دي يعني الرب بيسموه مفعول مطلق. اي لن يغيروا اي تغيير. اي

مطلق تغيير لم يغيروه. تخيل الواحد حافظ على العهود والمواثيق والايمان لم يحده فيه اي تبدل. تخيل فترة الحماسة اللي كانت من سنتين او ثلاثة في واحد فترة الحماسة - 00:14:33

عنه من عشر سنين ايا كان اللي بيسمع دلوقتي فترات التزامه متباعدة فاكر زمان شوف الحماس الایمانية او اعلى مرحلة ايمانية انت وصلتها هو فضل محافظ عليها. كل انسان بيصوم الفتور طبعا عشان نبقي واقعيين لكن اقصد انه كان بيتداركها - 00:14:56

فكان في المجمل محافظ على الحالة الایمانية والتوجه الایمانى كان بيسمع حي على الفلاح يجيب. يسمع حي على الجهاد بيجب بيمروا بحالها بفترات اه بحالات من الفتور يتخلص عن غزوته لكن يلحق بالتي بعدها. كان طبيعي انسان بيصيبيه حالات الكتور لكن زي ما بقول - 00:15:12

مجمل حافظ على ده فقال الله سبحانه وتعالى في في وصفهم كان حالهم وما بدلوا تبديلا. لم يغيروا ولم يبدلوا آفي اي عهود او اي مواثيق. فده ده الموضوع اللي بنتكلم - 00:15:31

ان ازاى احنا في منتصف الطريق في منتصف الطريق غالبا تضعف العزمية يخفت الدافع يصاب القلب بالوهن يصاب البدن بالضعف بيعتاج الانسان في هذه الفترة الى دفعه روحية تعينه على اكمال المسيرة. ولذلك نجد ان القرآن لم ينزل جملة واحدة. لا القرآن نزل ايه؟ منجمما مفرقا - 00:15:46

كل ما بيتعرض الانسان لبلاء او بيصيبيه فتور تأتي الآيات مرة اخرى تعده الى ايه؟ الى الطريق مرة اخرى ليكمل المسير تجدد له العهود والمواسير. لذلك تجد ان العبادات اصلا كده. الصلاة مش في اول اليوم بس ولا في اخر يوم بس - 00:16:06

طوال اليوم فيه صلاة. عندك شهر في السنة صيام. عندك فضيلة الحج مرة في السنة. كل ما الانسان بيختلف تأتيه هذه العبادات ايه؟ تعطيه دفعه. لذلك احنا عندنا ورد القرآن. مش نقرأ القرآن مرة واحدة وخلاص ونبيه. ما انا قررت قبل كده. يقول لك انت قررته قررت وردك النهاردة؟ ما انا قررت القرآن خلصته قبل كده. لا ما فيش حاجة اسمها خلصته - 00:16:20

قبل كده. الاثر وان كان في ضعف اللي هو الحال المرتحل اللي هو يخلص الختمة يعود مرة اخرى. فكانك انت بتنزل القرآن منجما على قلبك مرة اخرى وربنا سبحانه وتعالى قال من حكم تنزيل القرآن مفرقا على حسب الواقع والاحاديث لثبتت به فؤادك. فالنبي صلى الله عليه وسلم والصحابة كانوا يحتاجون الى - 00:16:40

تنبيت حتى يستمر في الطريق قد جاءك في هذه الحق وموعظة. ان الانسان بتأتيه في القرآن الحق والموعظة حتى يستطيع ان يكمل المسيح فدائما في البداية في بداية حاسمة عزيمة قوية اه بداية متوجهة لكن تيجي في المنتصف يعني لو حبينا نرسم بتاعه كده تلاقيه في الاول ايه - 00:17:00

سخن جدا وطالع لفوق وبعد كده ينزل يسيبه حالة من الفطور. الفتور ده طبيعي اللي مش طبيعي انه يستمرى هذا الفتور. انه يستمر على هذا العمر. ده اللي مش طبيعي - 00:17:22

طيب بيقى احنا القضية المحاورية اللي عايزين نتكلم بها اللي بنتكلم نتكلم فيها النهاردة او الشخص اللي بنخاطبه اللي اصابه الفتور في منتصف الطريق. طب ليه دي قضية مهمة لان الشخص ده - 00:17:33

بيبقى عاش معاني معينة بتفضل تسبب له الم نفسى. يعني الشخص اللي ممرش في مرحلة التزام ممكن ما يحسش بالازمة اللي انا بتكلم بها بيتكلم فيها. وان كان كتير من الناس بتجي له كده ايه فترة من فترات الالتزام بتطول او تقصر معه ويعدين ممكن للأسف يترك الطريق يعني - 00:17:47

لكن الشخص ده اشبه بشخص مشي في طريق الطريق ده كان مليان عقبات بس هو ما كانش حاسس بها لان كان عنده لزة الایمان. كمل لنا عقبات انه ابتعد عن آسلته القديمة انه ساب كتير من المنكرات ان كتير من الواقع - 00:18:03

اللي حواليه مليان معاصي وهو سابها انه كان في غربة بس هو لم يشعر بها لانه كان في بيته صالحة لتعويض الغربة ديت كان عايش عقبات وكان ماشي في طريق بالنسبة لكتير من الناس هو طريق - 00:18:17

موحش لكن هو ما كانش حاسس بده. ما كانش حاسس بده ليه ؟ لأن كان عنده الزاد اللي بيسميه هذا الالم. في منتصف الطريقزاد
بيقل بيقل. ركزوا معنـي بقى. كلما قل - 00:18:27

اللي كان بيخليله يستمر كلما ظهر الالم الالام بتزهـر معـي ؟ فبيجي في منتصف الطريق يشعر بالـم نفسـي ليـه ؟ لأن الزـات بتـاعـه قـلـ.
فيـبـصـ حـواـلـيـهـ اـناـ ايـهـ الـلـيـ جـابـ منـ هـنـاـ ؟ـ بـيـبـصـ وـرـاهـ لـقاـهـ نـفـسـهـ مشـ قـادـرـ يـرـجـعـ.ـ مشـ قـادـرـ نـفـسـيـاـ الـلـيـ اـحـناـ
بنـسـمـيـهـ المـفـهـومـ المـعـاصـرـ الـلـيـ هوـ الـاـنـتـكـاسـ - 00:18:37

مشـ قـادـرـ يـاخـدـ قـرـارـ الرـجـوعـ.ـ بـيـبـصـ قـدـامـ شـايـفـهـ الطـرـيقـ مـوـحـشـ جـداـ مشـ قـادـرـ يـكـمـلـ.ـ بـيـبـصـ قـدـامـ شـايـفـ عـقـبـاتـ اـقـتصـادـيـةـ عـقـبـاتـ
امـنـيـةـ عـقـبـاتـ مـنـ الـمـجـتمـعـ طـمـوحـاتـ وـاـمـانـةـ يـتـخـلـيـ عـنـهـ مشـ قـادـرـ يـكـمـلـ - 00:18:58

بيـصـيـبـواـ حـالـةـ مـنـ الـاحـبـاطـ.ـ قدـ تـؤـديـ لـبعـضـ النـاسـ وـالـعـيـادـ بـالـلـهـ اـنـهـ مـمـكـنـ يـنـتـحـرـ وـدـ حـصـلـ اـنـهـ مشـ قـادـرـ يـكـمـلـ اوـ بـيـدـأـ بـقـىـ يـدـورـ عـلـىـ
يـوـتـيـرـينـ وـيـرـجـعـ اوـ يـشـوـفـ طـرـيقـ جـانـبـيـ يـرـوحـ بـقـىـ يـمـشـيـ فـيـ ايـ طـرـيقـ تـانـيـ.ـ يـدـورـ بـقـىـ عـاـيـزـ يـنـسـيـ الطـرـيقـ دـهـ - 00:19:12
مشـ عـاـيـزـ ايـ حاجـةـ تـفـكـرـهـ بـالـطـرـيقـ دـيـ.ـ خـلاـصـ يـبـدـأـ عـاـيـشـ حـيـاةـ دـنـيـوـيـةـ بـحـتـةـ فـقـطـ.ـ لـاـ يـفـكـرـ الاـ فـيـ الـمـالـ وـفـقـطـ وـعـشـانـ يـحـقـقـ لـاـنـ الـلـيـ
اختـارـ الطـرـيقـ دـهـ اـنـسـانـ بـرـضـهـ عـنـدـهـ الـقـدـرـةـ عـلـىـ النـجـاحـ - 00:19:28

فعـاـيـزـ يـحـقـقـ النـجـاحـ دـهـ فـيـ ايـ طـرـيقـ تـانـيـ فـيـرـوحـ يـحـقـقـ النـجـاحـ دـهـ فـيـ ايـ نـجـاحـ منـوـيـ يـنـسـيـ بـهـ الطـرـيقـ الـلـيـ اـنـ مـاـشـيـ بـهـ.ـ وـالـاـخـطـرـ
اـنـ هوـ يـؤـصـلـ اـنـ هوـ كـانـ مـاـشـيـ غـلـطـ.ـ وـيـاـصـلـ الطـرـيقـ التـانـيـ الـلـيـ اـخـتـارـهـ وـيـأـسـ - 00:19:42
اـنـ دـيـنـ مـشـ كـدـهـ وـالـاـتـزـانـ مـشـ كـدـهـ وـالـلـيـ اـحـناـ عـلـمـنـاهـ دـهـ غـلـطـ وـالـلـيـ مـاـشـيـ فـيـ الطـرـيقـ دـهـ غـلـطـ.ـ وـمـشـ لـازـمـ تـضـحـيـ وـمـشـ لـازـمـ بـذـلـ.ـ
وـاـيـهـ يـعـنيـ اـمـاـ تـبـقـىـ اـنـسـانـ عـادـيـ - 00:19:52

وـبـيـدـأـ يـأـصـلـ اـنـ الصـحـ اـنـكـ تـسـيـبـ الطـرـيقـ دـهـ وـمـشـ لـازـمـ تـضـحـيـ عـشـانـ رـبـنـاـ.ـ وـكـأنـ الصـحـابـةـ ماـ ضـحـوشـ عـشـانـ دـيـنـ دـهـ يـوـصلـ لـنـاـ
وـعـشـانـ بـقـىـ اـحـناـ مـسـلـمـينـ.ـ وـعـشـانـ بـقـىـ قـاعـدـيـنـ قـعـدـةـ زـيـ دـلـوقـتـيـ وـبـنـصـومـ وـنـصـلـيـ وـعـشـانـ بـقـىـ اـسـمـاـنـ اـحـمـدـ وـمـحـمـدـ وـعـبـدـالـلـهـ.
الـاـسـمـاءـ دـيـتـ كـأنـ الصـحـابـةـ ماـ عـمـلـوـشـ دـهـ.ـ لـاـ الصـحـابـةـ بـذـلـواـ وـضـحـواـ قـبـورـهـمـ وـاـتـوزـعـتـ فـيـ - 00:20:02

الـاـلـارـضـ وـبـذـلـواـ اـمـوـالـهـمـ وـدـمـاءـهـمـ عـشـانـ دـيـنـ دـهـ يـوـصلـ لـهـمـ دـهـ الـلـيـ بـيـحـصـلـ اـنـ هوـ بـيـبـقـىـ فـيـ مـنـطـقـةـ حـرـجـةـ جـداـ طـيـبـ رـبـنـاـ سـبـحـانـهـ
وـتـعـالـىـ جـابـ لـنـاـ اـمـثـلـةـ لـنـاسـ تـعـرـضـتـ لـاـزـمـاتـ وـعـقـبـاتـ فـيـ مـنـتـصـفـ الطـرـيقـ وـمـاـ كـانـوـشـ مـتـوـقـعـيـنـ اـنـ الطـرـيقـ كـدـهـ - 00:20:22
يعـنـيـ فـيـ اـحـيـاـنـاـ وـاـحـدـ التـزـمـ.ـ فـيـ اوـلـ اـتـزـانـ كـانـ دـيـنـ بـالـنـسـبـةـ لـهـ جـمـيـلـ مـتـعـةـ اـكـتـشـافـ العـبـادـاتـ الـجـدـيـدـةـ الـلـيـ ماـ كـانـتـشـ مـوـجـودـةـ
فـيـ حـيـاتـهـ.ـ مـتـعـةـ صـلـاـةـ الـفـجـرـ فـيـ جـمـاعـةـ.ـ مـتـعـةـ جـلـسـةـ الضـحـىـ.ـ مـتـعـةـ الصـيـامـ.ـ مـتـعـةـ اـنـ يـحـضـرـ اـفـطـارـ.ـ مـتـعـةـ - 00:20:41

معـهـ مـعـيـنـ عـقـيـقـةـ وـمـاـ اـدـرـاـكـ ماـ الـعـقـيـقـةـ اـنـ يـحـضـرـ عـقـيـقـةـ مـتـعـةـ جـمـيـلـةـ جـداـ.ـ اـنـ عـبـادـاتـ الـقـيـامـ اـنـ يـبـكـيـ بـيـنـ يـدـيـ اللـهـ الـحـاجـاتـ دـيـ لـماـ
بـتـفـقـدـ آـزـاتـهـ وـبـتـفـقـدـ قـيـمـتـهاـ الـحـقـيـقـيـةـ وـبـتـتـحـولـ الـلـيـ مـجـرـدـ روـتـيـنـ فـيـ حـيـاتـهـ اـنـ هوـ بـيـرـوحـ الـصـلـاـةـ وـخـلـاـصـ مـجـرـدـ - 00:20:56
يـبـدـأـ آـمـمـكـنـ يـتـعـرـضـ كـمـانـ لـاـتـلـاءـاتـ يـقـولـ لـكـ اـنـاـ مـاـ كـنـتـشـ مـتـوـقـعـ اـنـ الطـرـيقـ صـعـبـ جـداـ مـتـوـقـعـ وـدـيـ نـقـطـةـ مـهـمـةـ جـداـ.ـ مـاـ كـنـتـشـ
مـتـوـقـعـ اـنـ هـيـحـصـلـ تـصـادـمـ بـيـنـ رـغـبـاتـيـ وـبـيـنـ طـرـيقـ الدـيـنـ.ـ اـنـ اـعـنـدـيـ رـغـبـاتـ دـنـيـوـيـةـ - 00:21:15

امـنـيـاتـ مـعـيـنـةـ.ـ مـاـ كـنـتـشـ مـتـوـقـعـ اـنـ مـمـكـنـ اـنـ اـضـحـيـ بـيـعـضـ هـزـهـ الـاـشـيـاءـ عـشـانـ رـبـنـاـ فـيـ نـاسـ مـتـصـورـةـ دـاـيـماـ اـنـ دـيـنـ جـاءـ عـشـانـ
يـحـقـقـ رـغـبـاتـيـ كـلـهاـ بـسـ بـتـبـقـىـ اـشـكـالـيـةـ فـيـ طـرـيقـ الـطـرـحـ الـدـيـنـيـ.ـ اـنـ دـيـنـ جـهـ عـشـانـ بـيـسـطـكـ - 00:21:34

الـدـيـنـ جـهـ عـشـانـ بـسـ شـوـفـ اـنـتـ بـتـبـقـىـ مـبـسـوطـ اـزاـيـ وـهـوـ دـهـ دـيـنـ اـيـوـةـ الـلـيـ هـيـسـيرـ فـيـ طـرـيقـ الـدـيـنـ بـصـورـةـ حـقـيـقـيـةـ وـيـقـومـ بـهـ
الـعـبـادـاتـ.ـ اللـهـ عـزـ وـجـلـ يـسـعـدـ وـيـسـكـبـ الرـضاـ وـالـطـمـانـيـنـةـ فـيـ قـلـبـهـ.ـ نـعـمـ - 00:21:53

دـهـ نـتـيـجـةـ نـتـيـجـةـ السـيـرـ فـيـ دـيـنـ.ـ لـكـ دـيـنـ مـشـ جـايـ عـشـانـ بـيـسـطـكـ اـنـتـ باـهـوـاـكـ الفـاسـدـ.ـ مـمـكـنـ الـاـنـسـانـ آـلـهـ اـهـوـاءـ فـاسـدـةـ.ـ وـعـاـيـزـ
الـدـيـنـ يـتـحـولـ اـنـهـ يـضـيـعـ.ـ لـاـ كـدـهـ بـيـقـىـ عـنـدـنـاـ مـلـاـيـنـ الـاـنـوـاعـ مـنـ دـيـنـ عـلـىـ حـسـبـ كـلـ وـاـحـدـ لـهـ هـوـاهـ - 00:22:07
وـالـاـثـرـ وـاـنـ كـانـ ايـضاـ فـيـ ضـعـفـ وـاـنـ كـانـ حـسـنـهـ بـعـضـ اـهـلـ الـعـلـمـ لـاـ يـؤـمـنـ اـحـدـكـمـ حـتـىـ يـكـوـنـ هـوـاهـ تـبـعـاـ لـمـاـ جـئـتـمـ بـهـ.ـ اـنـ المـفـروـضـ
تـعـكـسـهـ.ـ مـشـ دـيـنـ تـبـعـاـ لـهـوـاهـ.ـ لـاـ الـلـيـ يـصـبـحـ هـوـاهـ هـوـ الـلـيـ - 00:22:23

فـحـيـنـهـ تـشـعـرـ بـالـسـعـادـةـ فـرـبـنـاـ سـبـحـانـهـ وـتـعـالـىـ جـابـ لـنـاـ نـمـوـزـجـ مـسـلـاـ سـوـرـةـ الـعـمـرـانـ فـيـ غـزـوـةـ اـحـدـ.ـ اـنـ الصـحـابـةـ آـلـهـ بـعـدـ مـاـ تـعـرـضـوـاـ لـلـاـذـيـ

في مكة وهاجروا للمدينة توقعوا كده ان او بعض - 00:22:33

يعني اتوقع ان كده خلاص. فترة البزل والتضحية عدت. وده احيانا بيحصل مع واحد انه يجاهد في بداية الالتزام. آآ يتعرض لازل للمجتمع ان هو ايه يا عم انت اتجننت - 00:22:46

ولا ايه؟ ايه اللي انت ليه تربى دنقك؟ ليه تبطل تسمع اغاني؟ ليه ما تطلعش رحلات مختلطة؟ ليه؟ ليه ليه؟ انت اتجننت ولا ايه؟ هتضيع عمرك تعيش مكتئب ليه تعمل في نفسك كده ويضغطوا عليه ضغط نفسي ليه تلبسي اللبس ده ما انت كان لبسك احسن كده مش هتتجوزي وتأخذ قرارات وتبتعد وتتعجب وبفضل الله تجاه - 00:22:56

بتشعر بلذة المجاهدة وان هي ترضي ربنا سبحانه وتعالى ممكن تتعرض للابتلاءات بعد كده ما كتش متوقعة ان ده هيحصل. ما كنش متوقع ان الابتلاءات دي هتحصل الصحابة بعد ما او كانت متوقعة ان دي فترة من الابتلاءات وخلاص. طبعا هو الطريق مش كله ابتلاءات. الطريق فيه فتوحات. لكن فيه ايضا ابتلاءات - 00:23:14

زي قلت لك الابتلاءات ممكن تختلف من شخص لشخص. ممكن شخص بيترى في حاجة عنده كبيرة وعنده واحد حاجة عادية جدا. حاجة يعني حاجة عادية ممكن واحد بيترى في واحد بيترى في المال. كان القضية كلها انما خلقت الجن والانسان الا لا يعبدون. تحقيق العبودية لله سبحانه وتعالى. فالصحابة لما هاجروا وانتصروا في بدر - 00:23:33

وكان حصل اثر نفسي عند بعضهم ان ده الطبيعي ان احنا كل ما هن Jihad هن متتص احنا مسلمين ومعنا النبي صلى الله عليه وسلم ومعنا الوحي خلاص احنا كده ايه مش ناقصنا حاجة. اي معركة هنا خذها نخشها ننتصر - 00:23:54

فدخل المعركة وده احيانا تفكير بعض الناس بما ان انا التزمت ببقى لازم ربنا يدييني اللي انا عايزه ما انا صليت الفجر هو ازاي ا تعرض للقاء يعني؟ طب ما انا عملت كذا. هو ليه ربنا ما يديينيش - 00:24:08

احيانا تفكير بعض الناس بما ان انا بعامل ربنا انا اديت تديني. يعني في بعض الناس بيعاملوا ربنا كده تلقائيا لا هو الله عز وجل كريم سبحانه وتعالى وشكور سبحانه وتعالى. لكن احيانا قد بيترى الانسان في شيء من الاشياء. فالصحابة آآ - 00:24:19

في غزوة احد لما حصلت الهزيمة وجذوبهم. يعني الله عز وجل لم يظلم احد بل كانوا يستحقوا اكثر من ذلك ولكن الله عز وجل ربنا قال في سورة آل عمران فلقد عفا عنكم - 00:24:39

يعني ربنا سبحانه وتعالى ما حدث في غزوة احد كان من الله عفوا كانوا يستحقون اكثر من ذلك ولكن الله عفى عنه الشاهد لما حصل ابتلاءات وشيع مقتل النبي صلى الله عليه وسلم وقتل منهم وحدس ما حدث. فربنا سبحانه وتعالى ضرب لهم نموذج قال الله سبحانه وتعالى في سورة آل عمران وكأين من نبي قاتل معه - 00:24:50

وفي قراءة وكأي من نبي قتل. وتقول معه نبينا كثير. اي استمرروا من بعده. او كأي من نبي قتل معه كثير. يعني هو مات وهم ماتوا معه. او هم ماتوا وهم كملوا. وكأي من نبي قاتل معه نبيون كثير او قتل معه ليبيون كثير - 00:25:10

شهد ان سوء النبي قبل ذلك تعرض للقتل مش النبي صلى الله عليه وسلم الانبياء من قبله يعني او الاتباع اللي مع النبي صلى الله عليه وسلم تعرضوا للقتل او النبي - 00:25:30

والاتباع تعرضوا للقتل ان في فلة اكملت المسير بالرغم من هذا الابتلاء الضخم. ان القائد الموجه القدوة الاسوة انت كنت بترجع له يقتل. واكثر اصدقائك يقتل في الطريق. اللي كانوا معهم مع بعض في الجيش النبي من الانبياء - 00:25:40

ومعه كثير من الجيش يقتل ماذا فعل الباقيون؟ استمرروا في السير وكانت هذه الاية تعريضا لمن القى سيفه بعد اشاعة مقتل النبي صلى الله عليه وسلم وقال على من نقاتل - 00:26:00

والقصيدة وقعت ولكن آآ قام انس بن ماض قال قوموا فموتوا على ما مات عليه. من كمال صلى الله عليه وسلم بفرض ان هو قتل ان تسير على طريقك مات في هذا الطريق بفرض ذلك يعني انت قوموا وموتوا على ما مات عليه لأن انس ابن ربه قام وقاتلته وهو يظن ان النبي صلى الله عليه وسلم قد - 00:26:12

فالشاهد ان ربنا سبحانه وتعالى بيقول ان هؤلاء اكملوا المسير فما وهنوا لما اصابهم في سبيل الله وما ضعفوا وما استكانوا والله

يحبه ليه؟ الصابرين. يبقى اذا لابد من صبر في هذا الطريق. فربنا قال فما ايه؟ وهم. هنا نجد ان في تلات مراحل. الوهن ثم -

00:26:35

ثم الاسمية. الحل انك تلحق نفسك بدرى وانت في مرحلة الوهن. ممکن طبیعی جدا نمر مرحلة الوهن. لكن انك تسیب نفسك من الوهن الى الضعف الى كل ما بتأخر في العلاج كل ما الرجوع اصعب. وده حتى من سنن الله سبحانه وتعالى حتى في علاج الامراض. ان دايما الوقاية خير من العلاج. كل ما بتأخر في العلاج - 00:26:55

كل ما يكون رجوع واحد العلاج بيبقى وان الانسان يشفى من المرض ده بيكون اصعب. ايه هو الوهن يقول لك اللغة الوهنت المرأة الكسولة المتنعمه اللي ما بتشتغلش من كتر الايه؟ من كتر العين. انا مش - 00:27:15

اه في ناس العرائس واضحه بقى في ايضا اهل اللغة يقولوا ايه؟ توهم الطائر رکزوا معی يقول لك اثقل الطاير ما عدش قادر يطير من كثرة اكل الجبیر. يعني قاعد يأكل الجيف فلم - 00:27:34

فالوهن حالة من الارتخاء المعنوي. لكن البدن سليم. حتى بعضهم في اللغة قالوا ان الوهن قال معنى لغة فما وهنوا اي لم يفعلوا فعل الضعفاء. يعني وهن الانسان بيقلد الضعيف لكن هو في حقيقته ايه - 00:27:54

سلیم يعني هو الضعف ان بدأ جزء من البدن يصاب حقيقة لكن الوهن لأ الوازن اصله وان كان احيانا يوصف به شيء حسي زي ما سيدنا زکریا قال اني وهن العظم مني. لكن الوهن في الاصل ان هو ايه؟ ان انه يقلد - 00:28:16

ضعيف يفعل بيقى فما وهنوا يقول لك لم يفعلوا ايه؟ فعل الضعفاء احد اللي حاول العسكري حاول في كتاب الفروق. اللي بيجيib الفروق فروقات لفظية. حاول يفرق بين الوهن والضعف - 00:28:33

قال ان الوهن يفعل فعل الايه الضعيف لكن لسه لم يصبه الايه؟ الضعف كلمة وهن ان انت زي ما انت لسه يعني انت ممکن تكون بتنزل تحافظ على الصلاة - 00:28:47

ممکن تكون بتقرأ القرآن. لكن الدافع بدأ يخض. بقت بتعملها بصورة روتينية بقیت مش حاسس باي معنى. لكن انت لسه لم تتخل عن شيء انت ممکن ظاهريا انت في الظاهر كده لم يصبك اي تغير - 00:28:59

لكن بدأت تسأل جواك ده لازمته ايه؟ وطب وبعدين بدأت اسئلة كتير جواك تظهر ما كنتش موجودة. بدأت تعمل الشيء وانت لا تشعر بقيمتها. بدأت تكسد تروح تحضر الدرس تكمel في حفz القرآن تدعu - 00:29:17

الى الله تصبیک حالة من الاحباط واليأس. لكن لسه انت زاهريا وحافظ على الايه الاعمال. المفترض لما تشعر بده تكون لما تبدأ تشعر بده تتحرک تبدأ تكتشف ان انت تحتاج تغير الزاد - 00:29:32

ايه اللي انت بتاخده؟ ان انت آآ الزاد اللي انت بتاخده الان مش کافي المجالس الایمانیة الوعظیة الصالحة اتصرف انت تحتاج علاج فوري. اه. تحتاج بقى اه زيارة مقابر. تحتاج اه اه تروح اه - 00:29:48

طلع التدبر في الخلق ايا كان انت تحتاج انك ايه تبحس عن علاج مباشر. ما ينفعش ان انت تتوقف طيب للأسف آآ استمر في حالة الوهن وما حصلش العلاج. ايه اللي بيحصل؟ فما وهنوا لما اصابهم في سبيل الله وما ضفوا. بدأ يسوق من حالة الضعف. لانه بدأ الصلوات وضعیع من - 00:30:03

وما يبکيش. حالة الوهن كان يضيع عليه الصلاة ويقعده يعيط. ما يعرفش يحافظ على القرآن يقعده يبكي. لكن في حالة ضعف لأن عادي اعمل ايه طيب انا اعمل ايه بدأ ايه يتخل في الآخر حالة الاستسلام استكانوا استسلم تماما - 00:30:27

احنا مش عايزين نوصل لده. يبقى احنا طبیعی ان احنا كلنا في مرحلة من مراحل حياتنا نمر بمرحلة الوهن. لكن اووعی تسیب نفسك لمرحلة الضعف. اووعی تسیب نفسك لممرحلة طيب آآ قال ربنا سبحانه وتعالی ايات كتير موجودة عندکم في القرآن في الصبر. آآ ربنا سبحانه وتعالی بيقول للنبي صلی الله علیه وسلم - 00:30:47

واصطب لعبادته. مش واصبر. اصطب اصطب دي فيها افعال. فيها انك انت هتتكلف المشاق اللي تستمر في الطريق هيقابلک حاجات تحتاج تضغط على نفسك عشان تكمل. خدوا بالكم يا جماعة اللي هيتعامل في الطريق الى الله بنفسیته انا نفسیتي النهاردة حلوة -

حضر درس وهحفز قرآن او هشتغل او هدي درس او هعمل في الدعوة نفسيتي مقريفة ومليش نفس يبقى اذا اه نفسيتي مؤليفة
يبقى انا مش هكمل في الطريقة ومش طالبة معي النهاردة حفظ القرآن او ده غالبا مش هيكمel. انت المفروض تبقى عندك بفضل الله
بتوفيق من الله سبحانه وتعالى. القدرة انك تملك نفسك - 00:31:27

قال رباني لا املك الا النفسي واخي. سيدنا موسى عليه في الاول يملك نفسه. يبقى انت آآ تملك نفسك. يبقى اذا لازم يبقى عندك
القدرة ان انت ما فيش حاجة اسمها الف بس مش طالبة معي. دي ماشي لو حصلت مرة خلاص. لكن ما ينفعش ده يبقى ديدنها. ان كل
ما تبقى مش حفظ قرآن. مش هقرأ قرآن مش - 00:31:47

كملي النهاردة. ليه مش هتصلي قيام الليل؟ مش حاسس. مش لازم تحس. اصل ما ليش نفس احضر اكمل السلسلة اللي كنت مش
لازم يبقى لك نفس لازم تتعلم مع نفسك انت ايه؟ تروض نفسك. واصطبر لعباده. وقال ربنا سبحانه وتعالى للنبي صلى الله عليه
 وسلم في اول ما انزل اليه ولربك فاصبر - 00:32:07

انك سبقاك في هذا الطريق صعوبات لابد ان تصبر لله سبحانه وتعالى. ايضا قال ربنا سبحانه وتعالى واصبر نفسك مع الذين يدعون
رיהם بالغداة والعشاء. عشان تستطيع انك تصبر نفسك تحتاج ايه؟ محتاج صحبة صالحة. طيب آآ النقطة الثانية - 00:32:27
مهمة اللي احنا ذكرناها في الاول بس عايزه توضيح شوية مسألة تنوع الذات يعني ايه تنوع الذات؟ احنا معتقدين بما انا الدروس
 بتاعة زمان اللي انا سمعتها عن حسن الخاتمة وسوء الخاتمة او سمعتها مسلا دروس وعزية هي اللي خلتنی في الاول امشي في
الطريق ده - 00:32:47

انا ما عدتش تحتاج وعظ انا كبرت على كده. انا اصلا انت دلوقتي بتكلم واحد ملتزم بقى له عشر سنين ده انت بتكلم واحد بيدي
 دروس اصلا. ايوا ما هو طبيعي ان اي حد فينا معرض انه يسقط قال ربنا - 00:33:07
 وتعالى واتوا عليه النبأ الذي اتيناه اياتنا فان صدق منه. يعني كان عنده علم في الآيات وانسلخ منها وترك آآ الطريق ما ينفعش تقول
 انا مش تحتاج لزاد لان انت تحتاج لزاد لكن الفكرة ان يبقى عندك فقه ما هو زاده اياك ان تتوقف عن البناء اياك ان تتوقف عن الغناء
 00:33:17 -

اياك دباب دي من الحاجات الاشكالية الرهيبة اللي بتخللي الانسان ان هو يبدأ يقول ايه انا مش تحتاج انت ما بتحضرش دروس ليه؟
 يا عم انا ايام ما حضرت دروس. انت ما بتسمعش دروس ليه؟ ما انا ياما سمعت. لا انت هتفضل لغاية لما تموت - 00:33:37
 تحتاج هتفضل لغاية لما تموت انت تحتاج النبي صلى الله عليه وسلم لما آآ خلاص القرآن اكتمل اليوم اكملت لكم دينكم وخلاص
 الناس بدأت تدخل في دين الله افواجا شعر بقرب اجله - 00:33:54
 عارف ان ده صلى الله عليه وسلم. ليه؟ لان خلاص هو الوظيفة اكتمل الوحي. والناس بدأت تدخل في دين الله افواجا فانت من غير
 انقطاعك عن القرآن ده معناه انك انت خلاص يعني هتموت. ازاي وهنا قلبك اللي هيموت؟ انت مش هتموت بقى انت قلبك اللي
 هيموت - 00:34:07

ازاي تبعد عن الوحي؟ ازاي تبتعد عن الغذاء؟ انت زي ما قلنا تحتاج الورد القرآن. خلصت القرآن ارجع تاني. طيب دي النقطة
 الاولانية في في مسألة لو احنا هنفك في العلاج انت لابد تحتاج الى آآ غذاء وبناء. النقطة الثانية في العلاج - 00:34:26
 يعني احنا لو هنقسم الدرس نص الاول احنا حاولنا نوصف المشكلة النص الثاني بنحاول نتكلم فيه علاج اول حاجة قلناها في
 العلاج باستمرار الغذاء والبناء. الحاجة الثانية ان انت لازم تبقى عندك فهم ايوة انا فاهم دلوقتي ان انا بدأت ا تعرض لازمة جديدة
 ازمة الشغل - 00:34:43

ازمة الجواز آآ ازمة آآ طبعا بقى تخش الجيش آآ يعني حسب الازمات اللي انت بتتعرض لها ان فترة الجامعة كان لها نوع معين من
 انواع الابتلاءات فترة ما بعد الجامعة لها نوع ثاني خالص من ايه؟ من انواع الابتلاءات. فانت لازم يكون عندك الفقه عندك الصحبة
 تستشير ناس ماذا تفعل في هذه المرحلة - 00:34:59

يعني انت بعض الناس او انت نفسك الاول هتأسر لك ان فترة الجامعة دي كانت حماسة شباب ودا ما الحياة مش هتكلمل كده وخلاص
دي كانت فترة معينة وخلصت دي كانت ايام جميلة وراحت - 00:35:20

انت تحتاج بقى ايه دي كانت فترة الحماسة فترة الشباب انت دلوقتي تحتاج فترة العقل بقى الكلام ده غلط. تحتاج اصلا في فترة
الشباب توازن بين الحماسة والعقل وفترة برضو بعد التخرج بتتحاج توازن ما بينها. الاشكالية الاكبر في النقطة ديت ان انت نادرا -
00:35:33

انك تلاقي هزا الخطاب خطاب انك لازم تصحي ولازم تبذل وانك انت عشان تستمر في الطريق ده وتعض تمسك بيدينك وتعض على
اصل شجرة انت نادرا لما هتسمع هزا الخطاب - 00:35:48

فاللي عايزة يستمر تحتاج ان هو يبقى عنده نوع من الزاتية البحث انه يدور ويبحس وينقب في الدروس يدور على صحبة صالحة
يدور على شيخ يدور على حد يستشير ويبحث عن اصحاب علو الهمة ميروحش انا اصلا اروح اسأل واحد همته ضعيفة ومتوقع ان
هو او انا شايف من حالي - 00:36:01

ان هو اختياراته معينة ما فيها نوع من علو الهمة متوقع ان هو يعني همتي. هيقول لي يا ابني لأ طبعا اللي انت بتفكر فيه ده
حماسة فارغة. وان مش لازم كذا. فآآ - 00:36:21

انت عشان تحافظ على يعني للاسف كتير من الناس ببيبدأ في حفز القرآن ببيبدأ في طلب العلم. بيحصل كتاب او كتابين في اي
مستوى من مستويات العلوم الشرعية سواء في الفقه او في العقيدة - 00:36:31
او في غير ذلك. ويجي يتخرج يتوقف تماما احنا ان شاء الله بازن الله قريبا نحاول اعمل درس بازن الله اسمه آآ احنا كنا بدأنا في
سلسلة اسمها اشكاليات انكلمنا عن اشكاليات اختيار السفر - 00:36:41

مشكلة البناء المعرفي ان شاء الله لسه دارسين في السلسلة دي. اشكاليات طلب العلم. والدرس المهم اشكالية الجمع بين الدين والدنيا
ان شاء الله يعني بازن الله يتعمل قريبا. آآ مسألة ان آآ اخطر الحاجات اللي بتتخلي الانسان ان هو يتوقف في طريق الضغوطات
الاقتصادية - 00:36:53

مع الازمة اللي كلنا بنمر بها ان دلوقتي انا مش قادر اجمع في فرق بين ان آآ بناءك و الغذائي وزادك وشارك في طريقه لكن انت من
داخلها انت حمسك زي ما هو - 00:37:11

يعني انت الطبيعي انك انت تمر في مرحلة مسلا زي مسلا حتى ايام ما كنت في الجامعة. فترة الاجازة او فترة المذاكرة فيها قليلة.
خلاص انت بتزود في بذلك للدين. فترة - 00:37:26

امتحانات المفروض يعني بنزاك لان الامتحانات وبالتالي بزلك للدين وطلبك للعلم او الدعوة الى غير ذلك ده بيقال. فانت بتبقى مسلا
بنسبة اه في الاجازة او في غير الامتحانات او في فترة عدم الانشغال. ممكن ايه سبعين تلاتين. سبعين دين. اه ممكن تتعكس. ما
فيش مشكلة انك تمر بمرحلة مسلا لثمانين في المية - 00:37:36

غالية عشرين في المية. لكن كل ده في الظاهر منك. المفروض داخليا حمسك لا يفتون تعلقك بالله سبحانه وتعالى لا يقل. ابتهالك
وعدائك. لكن انت بتتحسب هذه الاعمال الدنيوية. اصلا محسبيها عند الله سبحانه وتعالى. تطلب من الله التوفيق والسداد فيها.
وبتلجا الى الله - 00:37:56

ما ينفعش الحماس بتاعك ايه ؟ ما ينفعش قضية الدين ونصرة الدين في الارض ومعرفة الله واليقين في الله ولقدرة
ربنا سبحانه وتعالى والدار الآخرة والجنة والفردوس الاعلى. وعذاب اهل النار والخوف من النفاق. ما ينفعش الحاجات دي تخت
بداخلي. هذه المعاني لا يصح ابدا ان تخت بداخلك - 00:38:11

اسماء الله الحسنى وقدرة ربنا سبحانه وتعالى. الله سبحانه وتعالى السلام المؤمن المهيمن العزيز الجبار المتكبر. هذه القضايا لا يصح
ابدا ان تخت بداخلك. مهمها كان وضعك ايا كان انشغالك - 00:38:30

مهما كنت انت كنت حر كنت اسير كنت مشغول متزوج اعزب كما قال ربنا سبحانه وتعالى راجعوا تفسير الآية دي انفروا خفافا وثقال

الآلية دي فيها ما يقرب من عشرة اقوال. يعني ايه خفيقات ثقوان - 42

هذه الآية لم تترك لاي احد عذر. قالوا خفافا وثقالا مشغول او فاضي. عنده اولاد او ما عندهش اولاد. متزوج او اعزب. كبير او او صغير ضعيف او قوي كل الناس في مرحلة من المراحل اللي بيهمج فيها على الدين مطالبة بالنفي. نفير الحركة السريعة - [00:38:56](#)

انه ما يبقاش انسان تقليل ما لكم اذا قيل لكم انفروا في سبيل الله اذ ثاقبتهم. لذلك التفاؤل عكس النفي. فإذا اه كتير من الناس في منتصف الطريق بيقولوا لن نصبر على طعام واحد.انا ما عدتش قادر ان يبقى غذائي هو مجرد الوحي.انا عايز تنويعات - [00:39:12](#)

لأنك تحتاج انت لن تجد غير هذا الوحي مهما هتقعد تدور يمين وشمال انت تحتاج هو ده اللي خلاك تبدأ وده اللي يخليك في منتصف الطريق وده اللي يخليك تكميل في نهاية الطريق - [00:39:31](#)

يبقى اذا ابحس عن من يدفعك للاماام مش عن من يخذلك انت دلوقتي آآآ فتره آآآ التخرج او فتره الشغل. ودي اكابر آآ يعني اكابر ملفين
هي عملوك في حياتك الشغل والجواز. اللي ما بيأخذش الملف ده بتوازن وبحكمة وبسرعة كويسيه عربته ايه؟ بتتقلب - 00:39:44

بيخبط فلازم الاختيارات دي اختيار ممكن يضاف اليها كمان السكن يقعد فيه خصوصا لو مسلا اضطر انه يسافر في مكان هيروح فين
اه يقعد فين السكن؟ الزواج الشغلة الحاجات دي لازم تبقى اختيارات مبنية على اختيارات شرعية.انا عارف ان بقى فيه صعوبة في
الحاجات دى. بس، زي، ماقنا في واحد يختار حتى، لو اختار مسلا - 00:40:06

في مكان يعمل فيه مضطرب لكن بيصطحب دينه معه. قال النبي صلى الله عليه وسلم صلى الله عليه وسلم يفر بدينه من الفتنة. باقي المصاحبة دي بيصطحب دينه معه وهو يسافر. يبحث عن مكان معين مسافر لهدف معين. مش باع القضية وراح آآيبني بقى طموح دنيوي. ونسبي - 00:40:32

المعنى الجميلة اللي عاشها وكفر بها كلها. ويفضل عنده ضمير بيأنبه ويبيقى نفسه ان هو يموت الحنة اللي فاضلة اللي كل شوية ايه؟
تعمل له الم نفس بييه. لأنك ما ينفعش في مرحلة - 00:40:52

الدعاة الفردية - 00:41:05

من صحابه التزموا ناس كتير بعدوا عن المعاصي. ناس كانت ملحدة راح كلهم فرجعت تاني بفضل الله اتخرج اتحط تحت ضغوطات اقتصادية معينة ممكن يبدأ يأصل لان انا اللي انا كنت عايشه ده كان غلط - 00:41:29

يعني ده خطر يعترف بتقصيرك احسن بلاش تأصل الانتشار عن الوضع الجديد ده وجود آآ الاعتراف بالتقسيط يخليلك في يوم من الأيام ترجع تاني. كبواة معينة فترة زمنية معينة. مش لازم تبقى - 00:41:44

انشغال سيدنا موسى قعد عشر سنين في مدين. خلاص كان مضطرب معين لشغل معين وكان بيفر من فرعون. واضطر لاحتياج معين ينقص هذه السنوات ورجع بفضل الله هو اللي قد آآبني اسرائيل للخروج. فإذا فكرة انك انت تمر بازمة معينة ما تأثرش ان دي النهاية. او تكفر بما سبق - 00:41:59

لأ خليها حول دا لزات في الطريق. استغل الفترة دي في الدعاء والتضرع سيدنا يوسف لبث في السجن بضع سنين. خرج الله سبحانه وتعالى كان في السجن يدعو الى الله قبل السجن وانتهاء السجن وبعد السجن بيدعوا لله سبحانه وتعالى. وفي ختام السورة بعد كل التقليلات الله، مر بها سيدنا يوسف، يقولوا الله سبحانه وتعالى، قال، هذه سيدنا الله - 00:42:19

غير وتبدل مع الزروف. ادعوا الى الله على بصيرةانا ومن اتبعني. وسبحان الله وما انا من المشركين. يبقى خطورة المنطقة دي اللي بيمر فيها الانسان بضغوطات ان ممكن تخليه يغير افكاره. فاحنا قلنا الاول من العلاج استمرار الغذاء والبناء. رقم اتنين مسألة اوعي -

اللي مكتوا مع النبي صلى الله عليه وسلم في سورة الجمعة اذا روا تجارة او لهوا انفضوا اليها وتركوها قائمة حداشر لتلتاشر واحد وسط كل الجموع دي اللي ثبت مع النبي صلى الله عليه وسلم في حياته كانوا قلة. اللي ثبت مع النبي صلى الله عليه وسلم في احد كانوا قلة - 00:43:12

النبي صلى الله عليه وسلم كان يقول للعباس وسفيان يدعو عليهم يا اصحاب سورة البقرة. يا اصحاب بيعة الرضوان افتقروا افتقروا اللي نزلت وعليه وقرأ وسمع سورة البقرة اللي بايع النبي صلى الله عليه وسلم. تذكروا هذه البيعة تذكروا هذه العهود انت تحتاج ترجع تفتكر ايام زمان - 00:43:29

ما تكفرش بها ما تقولش كانت حماسة شباب فارغة لا ما كانتش حماسة شباب. ممكن يكون كان في بعض التطرف في بعض الافكار لكن حصل لها ضبط مش حصل لها ازالة - 00:43:48

مش حصل لها محو ممكن كنت انت سخن في بعض الحاجات في بعض العبادات في بداية الزمن وحصل لك نوع من التوازن مش نوع من الكفر بهذه الافكار ابدا. لأن القرآن حق ثابت - 00:43:58

ارجع واقرأ القرآن. شف المعاني الأساسية للقرآن غرسها في الصحابة. راجعها تاني شوفوا الصحابة عملوا ايه لغاية لما ماتوا شوف ازاي لغاية اخر لحظة اقرأ اه اقرأ سبب نزول ولا تلقو بايديكم الى التهلكة - 00:44:11

ازاي نكان الانصار كان الالقاء بدء الى التهلكة انهم يتركون الغزو. السبب في اما تيجي في هذه الاية لما ازن الروايو ابو الدرب ابو ایوب الانصاري نزلت فينا هذه الاية عشر الانصار. قال بعضنا لبعض سرا دون رسول الله صلى الله عليه وسلم. لما انتشر الاسلام وكثر ناصروه. والاسلام بدأ ينتشر في اماكن كثيرة وخلاص - 00:44:25

ناس دخلت في دين الله افواجا قال بعضنا بعضا لبعض سرا دون رسول الله هلا اقمنا في اموالنا واهالينا واصلحتنا خلاص احنا بنجاحد من ساعة ما جه النبي صلى الله عليه وسلم عمالين نجاحد - 00:44:48

رجع بدر والاحزاب وآخرين وحنين. خلاص نرجع بقى خلاص الدين ما عادش محتاجينها. نرجع بقى نصلح بقى الايه؟ اللي ما فقدناه من الأموال وغير ذلك نصلح بقى فنزل قول الله عز وجل وانفقوا في سبيل الله - 00:45:01

فقال ایوب فكانت التهلكة ايه هي التعلوحة؟ الاقامة في الاموال والاواد وترك الغزو مع ان هو بمفهوم الاسباب. طب هو الدين ما عدش محتاج ليه؟ لا انت اللي محتاج. مش مسألة دي مش محتاج ليه - 00:45:16

غير لو الكوس لها مسألة احتياج الدين هي كل النفور مفتوحة الان اصلا كل السجون مفتوحة اختار اي تغير من النفور قرآن السنة الدعوة والامر بالمعروف والنهي عن المنكر اعمال خير اي تغير من دخول الدين كله مفتوح في اي مكان في العالم - 00:45:35

افتتح خريطة العالم كله وشاور على اي مكان هتجد الدين محتاج فيه ايوة انا اعني بكلمة اي مكان نعم اي مكان. اقول للسعودية اه حتى السعودية. هي الحرب العلمانية الرهيبة اللي بتحصل في السعودية دي عايزه ثبات هناك. عايزه ناس تنشر الدين - 00:45:49 الحق وتتعلم وتأصل افتح الخريطة شاور على اي مكان في العالم محتاج رجاله. لذلك سيدنا عمر بن الخطاب قال امثال ابي عبيدة احنا عايزين رجاله فلما يجي واحد يسيبك في نص الطريق بعد ما اتبني واتعلم وحصل وفاهم ترك هذه النعمة شيخ الاسلام ابن تيمية - 00:46:04

يقول بعض الاعمال بتلزم الانسان بالشرع فيها يعني ايه تلزم الانسان الشرع فيها؟ يعني في اصلها نفل يعني اعمال انت مش واجبة عليك. لكن لو شرعت فيها ومشيت فيها وبدأت فيها تصبح واجبة. زي جهاد النفل هو اصلا مش فرض عليك - 00:46:28

جهاد الطلب اللي كتير من الناس بينكروه الان. جهاد طلب العدو ده ناس في بعض الاوقات نفل يعني انت مخير تروح او لا لو رحت فيه ما ينفعش تفر. وزي الحج - 00:46:48

الحج الواحد حج حج الغريضة وبعد كده بيحج نفل ما ينفعش في نص الحج يقول ايه؟ بما ان هو نفلة انا مش هكمل. لا واتموا الحج والعمرة لله. لازم يتهمها. في بعض الاعمال بتلزم الاسلام الشرع. قال منها العلم - 00:47:01

كم مسألة فيها خلاف في اصلها؟ لكن ده اختيار شيخ الاسلام ان في اعمال بتلزم الانسان بالمشروع فيها انت بعد ما تعلمت وفهمت
ودعوت الى الله وبصرك الله بما لم يبصر - 00:47:16

غيرك ترك دم وترجع على عقبيك ربنا يثبتنا جميعا يا رب بسبب الضغوطات الاضطرار مغفون عنه. انا ما باقولش ان واحد يكون
مضطرب لاحتياج مادي معين ان هو ما ما بيحسن عن سد هزا الاحتياج بالعكس - 00:47:29

نتكلم عن اللي بيترك آآ ده لانه مش قادر يكمل مش عايز انت تحتاج آآ تقوى وتبخس عن نقاط الضعف وتقويها. وتبخس عن شوف
الاشكال جه منين شوف وتحل برضو الازمة تفكر تحل ازمة ازمة اقتصادية طب تتحل ازاي ولازم تعرف ان اللي هيختار الطريق ده
لازم يبذل ولازم يضحي - 00:47:47

كم ازاي انت الوقت انت مش عايز تفهم ان انت عايز الفردوس بتبحس عن الفردوس الاعلى. انت عايز مكان اعلى في الجنة ده انت
سلعة الله غالبة احنا عايزين نخش الفردوس او بتبحس حتى انك تستمر في الطريق وفي اكثر من اية في القرآن ام حسبتم ان
تدخلوا الجنة هو انت كنتم معتقدين ان طريق الجنة عامل ازاي - 00:48:09

كان حصل لهم ابتلاء فتعجبوا وقالوا ان هزا! هو انت كنتم متصورين طريق الجنة ازاي! هو انت كنت متصور طريق الجنة عامل ازاي
طب حسبتم ان تدخلوا الجنة ولما يأتيكم مثل الذين خلوا من قبلكم مستهم البأساء والضراء وزلزلوا. حتى يقول الرسول والذين امنوا
معه متى نصر الله؟ الا ان نصر الله - 00:48:31

يبقى اذا الاشكال اللي بيحصل في منتصف الطريق ان العزيمة بتختفت والد الواقع بتقل ويبدأ الانسان يفقد الدوافع للامتناع
دوافع في البداية. بدأ الواقع في منتصف الطريق بيفقدتها آآ مع وجود تجارب آآ محبطة حواليه آآ كلنا شايفين الواقع دلوقتي
وخصوصا في مصر. تجارب اسلامية حوالينا اصابها آآ حالة - 00:48:50

الفشل او الانحراف عن الطريق بدأت آآ تصرف خالص عن النصب القضية وبدأت تتوجه تعمل حاجات غريبة وتعمل فانت باسلوبك
اليأس والاحباط يقول لك طب وانا هعمل ايه لا ما تفكري بالتفكير ده - 00:49:16

انك انت عبد لله سبحانه وتعالى. من اخطر طرق التفكير ايضا وديالك بتبقى رقم ثلاثة في مسألة العلاج. ان في خلل اصلا في التفكير
هو محتاج يصلحه اللي هو عايز يربط. رکزوا معي في النقطة دي. عايز يربط - 00:49:32

من كل عمل بيعمله وبين التمكين بصورة مباشرة. يقول لك دلوقتي احنا بنمر بمرحلة استضعاف. ايه لازمة ان انا احفظ قرآن ولا حافظ
قرآن؟ هيفيد في ايه في التمكين ده؟ عايز - 00:49:46

صورة هندسية خط مستقيم اسيبهوله واضح قدامه بين اي عمل بيعمله وبين التمكين هيصبه في التمكين بصورة مباشرة. يعني
عايزني اقول له ان دراستك للفقهى ده فقه العبادات مادي او فقه معاملات او طلب العلم او الدعوة الى الله او اي عمل صالح -
00:49:56

استمر فيه ان ده هيؤدي الى التمكين عن طريق واحد اتنين ثلاثة او يقول لك انا مش همشي واتكلمنا في النقطة دي قبل كده في
دروس سورة الاعراف وكان في مقطع حتى اقطع من الدرس اسمه آآ اسمه ايه الحل باين؟ فكرته ان - 00:50:11

الصورة مرسومة من لحزة الكلام الان الى لحزة تمكين المردود. لا هو التمكين اصلا مش لازم يبقى غاية ووسيلة وربنا قال للنبي صلى
الله عليه وسلم فاما نريينك بعض الذين نعدهم او نتوفاهם - 00:50:25

الفكرة انك تموت على الطريق يخرج من بيتهم وينجيرا الى الله ورسوله. ثم يدركه الموت فقد وقع اجره على الله انك تموت على
الطريق انك انت مش لازم انك انت ترى النصر او ترى التمكين. فدي من اخطر طريقة التفكير اللي بتخليل الانسان ما يكملش ويسيبة
احباط ويقول لك طب - 00:50:39

ولزمتها ايه؟ ولزمته ايه ان انا انت دلوقتي عمال تسخني وتقول لي استمر وكم. انت عايزني اضحي آآ زميلي حصل له في آآ في
الدنيا سبق وعمل كذا وزمايلي عملوا كذا ودي رقم اربعة ما تقارنن نفسك باهل الدنيا - 00:51:00

انك لك اختيارات ولك نجاحات تانية. يعني انت لما حد يقول لك آآ انا سبقتك في الدنيا عملت كذا وكذا. طب ما انت سبقته في الدين

انا بقول لك شو اترك الدنيا لا اقصد ذلك - 00:51:17

يدل على ذلك ان شاء الله يعني انا ما بقولكشي ما سبتش الدنيا عشان اقول لك سب الدنيا. والا يأمرك بما لم افعل انا بقول لك ما ينفعش وده هنتكلم عنه ان شاء الله في درس اشكاليات الجمع بين والدنيا. انا ما بقولكش اللي بقوله لك ما ينفعش تخلي اه زي ما النبي صلى الله عليه وسلم قال اللهم لا تجعل الدنيا اكبر هم - 00:51:31

ولا مبلغ علمنا ما ينفعش هو ده المحرك الرئيسي لك في الحياة دينيك فقط اين دينك مين ده من دين ربنا احد الائمة الثلاثة في قبرك ما دينك؟ كيف الخطاب؟ الدين مضاف اليك انت ما هو الدين الذي كنت تتدين به انت؟ هو الدين مش ما هو الدين - 00:51:50
دين الحق والاسلام ما هو دينك انت انت ايه دينك؟ آآ الخل في التفكير زي ما قلنا انه يقول لك ايه؟ ايه لازمته آآ احنا شاييفين في السعودية بعض العلماء بيغير في الفتاوى عشان يرضي السلطان. وشاييفين في مصر ناس عمالة تغير وتعمل حاجات غريبة - 00:52:10

المراجعات وبتعمل حاجات غريبة. وشاييفين في العالم الاسلامي وشاييفين استضعف وشاييفين انا دورني يعني انا بقى اللي هغير الواقع. هو اصلا حد قال لك انت مطلوب ان انت اللي تغير - 00:52:30
مطلوب منك ان تكون عبد مش مطلوب منك ان انت اللي تغير الواقع. هو مين اللي قال ان ده المطلوب منك؟ لا يكلف الله نفسها الا وسعها. لا يكلف الله نفسها الا ما اتهاها - 00:52:40

ستسأل عن امكانياتك الدراسة العامة في وسعك انت جبت اخرك في في البزل جبت اخرك اخرك في التضحية في الطريق ده جبت اخرك خلاص لكن كثرة الشجب والندب والاحباط واليأس كل ده مش هيؤدي الا شيء مش هيؤدينا حاجة. وهيزودك احباط اصلا ويأس. مش هيخليلك تكمل في الطريق - 00:52:50

رقم اربعة ان في خلل في التفكير ادى الى حالة الاحباط اللي موجودة دلوقتي بيقول لك انا هعید بقى نفس التجارب الفاشلة الموجودة لا هو ما يعني مين اللي قال لك انك انت مطالب تبقى كده - 00:53:15

لو انت اجتهدت وحصلت ادوات الاجتهد الحقيقة واطهأت انت لك اجر عامل معاملة هندسية القضية انك انت بس لا تحرك ولا تبدل ربنا قال اذا لاذنك ضعف الحياة وضعف الممات. لو حرفت او بدلت او ركت - 00:53:30

آآ طيب يعني احنا كده تقريبا دي النقاط الاساسية اللي كنت عايز اتكلم فيها مسألة آآ خطورة الوهن والضعف اللي بيصيبنا في الطريق. وان احنا محتاجين نبقى على بصيرة وعلى بينة من هذا المرض - 00:53:51

ما تعاملش معه آآ يعني واحد برضو كان بيقول لي ايه طب وهو الوهن ده يعني آآ طبيعي يعني فيروح لوحده؟ لا يعني ايه يروح لوحده؟ لأن هو مش هيروح لوحده. يعني كلمة طبيعي ان كتير من الناس بيصيبهم الوهن في الطريق لو انت تقصد بكلمة طبيعي اه ده بيحصل. لأن كتير من الناس - 00:54:07

في منتصف الطريق. يعني مرحلة التخرج من الجامعة او مرحلة بعد ثلاث اربع خمس ست سنين اللي زاد. بيصيبك حالة من الفتور ده اه كلمة الطبيعي انه بيحصل كتير اه بيحصل كتير. لكن كلمة طبيعي بمعنى ان انا اتعامل معه بلا مبالغة وان هيروح لوحده لأن - 00:54:28

لازم تحطوا حلول جذرية لازم تبحس وتنقب. انت كنت بتسمع مستوى معين من الدروس. محتاج تعلق في مستوى اعلى. كنت بتسمع عن مستوى معين من الطرح. كنت بتقرأ اللي اللي لكتاب معين - 00:54:45

محتاج تعلق تنتقل من الغذاء البسيط الغذائي المركب زي ما الطفل كده انتقل من الغذاء البسيط اللبن بعد كده بقى بيأكل فراخ ولحمة ورز وبدأ بيأكل غذاء معقد مركب - 00:54:57

بيحتوي على نفس الاساسيات. بس في حالة من التركيب كذلك محتاج تسمع طرح يركب النصوص على بعضها وبيطلعك بطرح معين محتاج تقرأ ما ينفعش احنا في الزمن اللي احنا فيه في الانفتاح المعرفي ده تكون ما بتقرأش تكون ما بتسمعش - 00:55:10
ما ينفعش حالة الانفتاح الرهيب اللي احنا بنعيشها دي ما يكونش فيه انت لك زادك من القراءة ومن السماع النت دلوقتي بفضل

الله فعلا مليء حاجات كثير جدا لكن للأسف هو اللي عشان يستفيد من النت محتاج حاجتين. محتاج منهجمة وزاتية - [00:55:26](#)
حد يوجهه ويبيقي عنده القدرة على توريد دوافع الاستمرار انك انت تولد ده وانا كم يا اصل واحد يسمع اول درسين من السلسلة
ويهبط مش قادر اكمل وجود بقى الصحبة الصالحة استذكار يعني زي ما كان الشيخ آآ دكتور رجب السرجاني كان له درس جميل
على مسألة صلاة الفجر. ازاي دايما تخلي دوافع الحفاظ على صلاة الفجر - [00:55:44](#)

تكتب بقى ورقة تكتب الاحاديث حد يفكرك ازاي فكرة توليد الدوافع اللي تخليك تستمر على الحفاظ على آآ صلاتك صلاة الفجر
فبالنالي كده ازاي الدوافع اللي تخليك تحافظ على طلب العلم - [00:56:04](#)
الدوافع اللي تخليك تستمر. وطبعا كل ده له اسباب كتير ورد القرآن. دروس الصحبة الصالحة. مجموعة من الاسباب. الصادق حتى لو
كل هذه الاسباب ربنا بيبيعت له اللي آآ يخليه يكمel. اصحاب الكهف ما كنش عندهم اي حاجة لا موجه ولا وسائل ولا دروس يحضروا
ولا اي حاجة. لكن هم قالوا ايه - [00:56:19](#)

ربنا اتنا من لدنك رحمة وهي لنا من يومين رشوة اتاهم الله الرحمة واتاهم الله الرشد رحمهم الله عز وجل من الطغيان اللي كان
موجود واتاهم الرشد وخلالهم ايه؟ يصلوا للحق. فنكث من هذا الدعاء - [00:56:39](#)

ربنا اتنا ما منك رحمة وهي لنا ما بيننا رشدا. اسأل الله عز وجل ان يثبتنا وان يستعملنا لنصرة هذا الدين. والا يستبدلنا ابدا. وان
يوفقنا للعمل لدينا يرزقنا شهادة في سبيله. وان يرزقنا آآ العمل بكتابه سبحانه وتعالى وان يجعلنا جميعا من اهل القرآن الذين هم
أهل وخاصته. اقول قولي هذا واستغفر الله لي ولكم - [00:56:56](#)
الله وبحمده اشهد ان انت استغفرلوك واتوب اليك وجزاكم الله خيرا - [00:57:16](#)